

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

*K*hutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

02 Novembre 2018

23 Safar 1440 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor : « *L'Islam et La Mort* ».

كُلُّ نَفْسٍ ذَائِقَةُ الْمَوْتِ

Kullu nafsin zaa-iqatul mawt

Tout l'âme pou goûte la mort. (Al-Imran 3 : 186).

Aujourd'hui c'est ene congé publique kot bane Chrétiens pé fête la Toussaint, kot bonne heure azordi zot dans l'église pou prier pour bane Saints et aussi bane morts en générale et zot alle lors tombe zot bane familles etc. Couma nous appelle sa ici, la fête des morts. Et li pas ene coïncidence si Allah fine guide moi pour fer sa Khutba d'aujourd'hui là (ene Khutba ki mo ti fini préparé avant et ki applique exactement pour aujourd'hui).

Sa lé monde ki nous pé vivre là li bien temporaire. Ene zour na pas ene zour, la mort pou surprendre nous sans ki nous attane. Nous pou bizin quitte tout derrière nous ; nous bizin quitte tous nous bane richesses, familles, et camarades. Sél

bagage ki nous pou amène avec nous, c'est nous bane actions et bane l'intentions derrières sa bane actions là.

Le Messenger d'Allah (saws) fine dire ki ena trois kitchoses ki accompagne ene dimoune mort ziska so tombe : so famille, so bane richesses et so bane actions. Parmi sa trois kitchoses là, deux retourner, so famille et so bane richesses. C'est zis so bane actions ki accompagne li. (Bukhari, Muslim).

Le 02 Juillet de l'an 2000, mo ti recevoir de la part d'Allah sa révélation là en forme de poème (*en français*) lor le sujet de la mort : **La Mort li to Dernier Voyage.**

*« La mort c'est ene voyage,
Alors prépare-toi,
Pas bizin aucaine bagages,
Ou si, prends avec toi :
To bane actions pieux, l'Amour d'Allah
Destination : c'est l'au-delà (Aakhérat)
La mort li to dernier voyage. »*

Dans sa morceau là, Allah mentionne principalement bagage spirituel d'ene croyant, kot li renforcé li avec so bane bons actions, so bane actions pieux et so l'amour pour Allah. Dimoune ki ti pieux là pou bien chanceux. So l'obéissance à Allah et à So Messenger, Hazrat Muhammad (saws), et à Messenger de so l'époque – si arriver sa dimoune là ti vive dans ene l'époque kot Allah fine envoie ene So Messenger et Réformateur pour faire revivre l'Islam, couma dans sa siècle ki nous pé vivre là – (*alors, So l'obéissance à Allah et à Hazrat Muhammad (saws), et à Messenger de so l'époque*) pou couma ene la lumière bien éclairant pour li, ki pou éclairer so chemin. So la route vers *Aakhérat* pou facile comparé avec ene incroyant ou ene hypocrite ki ti ignore Allah et So bane commandements pendant so séjour lor sa la terre là.

Allah dire dans Quran Shareef concernant bane infidèles et bane hypocrites: « **Ô Prophète, combatte bane infidèles et bane hypocrites, et tini ferme contre zot; Zot la caze c'est l'Enfer. Ki mauvais destination sa!** » (At-Tauba 9 : 73).

Tous bane prophètes d'Allah et zot bane disciples et bane croyants ki fine suive zot par la suite fine de tout temps faire face à bane non-croyants et bane hypocrites. Sa bane là (bane infidèles et hypocrites) faire tellement désordres et créer tellement bane obstacles pour bane prophètes et bane croyants kot zot oublier ki zot-mêmes zot bane humains et ki zot pas éternelle lors sa la terre là, et ki ene zour na pas ene zour, zot aussi zot pou bizin passe par la mort et alors zot pou ena ene rencontre avec Allah, kot zot pou bizin faire face So colère. La colère divine li tellement grand pour bane mécréants et bane hypocrites, bane ki associer bane fausse dieux avec Li, Le Seul et Unique Dieu, et bane ki alle contre vraie la foi pour prend le mauvais chemin et ki aide bane mécréants pou fini l'Islam et bane serviteurs choisis d'Allah. Sa bane dimounes là oublier ki zot pou mort et ki zot pou bizin fer face ene jugement terrible.

Ene l'exemple de sa, c'est la mort d'ene docteur dans Jamaat Ahmadiyya de Maurice ki fine mort sa semaine là même, kot so la mort, depuis Lundi 29 Octobre 2018 fine laisse Jamaat Ahmadiyya dans ene l'état de choque. Li ti ene beau-frère et cousin de sa ex-so-called Amir de l'Association Ahmadiyya de Maurice.

Bane là ti fer complot pou mette moi endehors du *Nizam-e-Jamaat* en l'an 2000, kot zot ti fer ene réunion le 25 Décembre 2000, et à sa moment là mo ti dans Rodrigues. Sa complot là en vérité fine passe devant lizié d'Allah et sa ex-so-called Amir là so beau-frère (Docteur ki fine décédé là) fine dire ene grand mensonge ki soi-disant li ti prescrire pou moi bane médecines anti-dépressants et psychotropes, kot kan prend sa bane médecines là, sa fer ene dimounes souler et halluciner. Et sa soi-disant docteur là fine prétendre ki à coze sa ki mo prend bane hallucinations là couma bane revelations divines. *Nawzobillah*.

Et li en collaboration avec ene pharmacien dans Jamaat fine ternir mo réputation et mo l'état de santé dans Jamaat kot zot alle fanne bane fausses rumeurs ki mo prend sa bane médecines là et ki voilà (d'après zot bane complots), c'est pour sa ki mo pé dire mo pé gagne révélation. Mais le monde fine témoigner quelques temps de sa (en 2014), couma sa pharmacien ki ti dire ki soi-disant mo fine prend sa bane prescription docteur là et vine dans so pharmacie pou rode sa bane médecines, so License fine sauter kot Ministère de la Santé, Pharmacy Board et l'ADSU même fine alle trouver ki li so bane transactions pas nette ditout. Bane là ti révoque so license.

Et docteur là maintenant, ki ti prétendre ki li ene grand défenseur du *Nizam-e-Jamaat*, li-même docteur mais kan so l'heure fine arriver, kot ene sel coup ene douleur atroce attrape li et li pas capave sauve li-même et li décédé et sa la mort là fine choque zot tous dans Jamaat Ahmadiyya le Lundi 29 Octobre 2018, et le lendemain à 5.00pm bane là fer so *Mayyat*. Couma Allah dire dans Quran, sentence bane criminels, bane *Zaalims* pou atroce, ki li lors sa la terre là mais beaucoup plisse encore dans *Aakhérat*, et en toute vérité sa dimoune ki fine mort là ti ene grand l'ennemi de la Manifestation Divine.

Nous tous conner ki la mort péna sapé. Fine écrire pour nous tous ki ene jour na pas ene jour, nous tous pou bizin mort. Mais sa pas veut dire ki kan mo pé mentionne sa bane anecdotes là ki nous pé réjouir lor la mort de quelqu'un. Loin de là ! Mais parfois ena bane signes d'Allah lors sa bane kalités la mort là. Kan Allah li attraper, li attrape bien même. Sa dimoune là ti ene docteur ki consulter dans l'hôpital et aussi dans privée, kot pour li, li pé sape la vie de bane les autres dimoune, et pour li-même li pas gagne le temps pou sappe li-même.

En vérité, nous la vie trouve dans la main d'Allah. Faire bien attention bane ki faire complots contre Allah So Khalifatullah et bane ki fine dire bane bêtises, fine ridiculise bane signes d'Allah. Allah So machine en marche, et péna sapé pour sa bane kalité malfaiteurs là. Sa l'année là fer 18 ans depuis ki zot fine persécute nous et ridiculise nous. Alors faire bien attention !

*« Départ là li fixé.
Destination : L'éternité
Tenir-toi prêt,
Li prêt pou enveloppe toi
À n'importe ki moment et dans n'importe ki l'endroit. »*

Dès nous naissance lors la terre, saki sûre pour nous, c'est ki ene zour pou vini certainement, pas ena aucaine doute là-dans, kot nous l'âme pou quitte nous lé corps, kot avec so départ, pou fer sa lécorps là vine sans la vie, pou fer li vine ene cadavre et kot alors sa l'âme là pou retourne vers So Créateur. Sa jour de départ définitif là li donc ene certitude absolu. Parski Allah fine bien dire nous ki tout l'âme pou bizin goûte la mort. Sa lé monde ici-bas là li seulement temporaire et c'est l'au-delà ki éternel pour nous. Sa départ pour l'au-delà là li différent pour sak dimoune. Sakaine ena so propre jour de naissance, jour kot li ti né. Azordi,

avec bane avancées technologiques, bane parents capave conner ki zour zot bane zenfants pou né, parski maintenant bane naissances capave provoqué par bane césariennes, et bane parents accompagnés de bane docteurs capave établir ene jour spécifique pour sa naissance programmé là (et parfois même saki zot fine programmer là pas arriver d'après saki zot ti expecte, parski la volonté d'Allah fine oulé li autrement). Mais nous pas capave dire de même pour la mort. Même ene kikaine ki bane docteurs fine condamné, ki li pas pou vive longtemps, même sa dimoune là pas conne jour et l'heure exacte de sa zour là, sauf bien sûr pour ene criminel ki fine condamner à mort par ene juge ou ene dimoune ki mourant ki alité et ki so famille avec l'accord de bane docteurs, débranche li d'ene machine artificiel à l'hôpital pour permette li pou mort en paix. Mais endehors de sa bane exceptions là kot la mort li provoquer par la poussée de bane dimoune – ou même ene suicide ki bien condamnable dans lizié d'Allah – la mort li incertain pour le reste de l'humanité. Allah dire :

*« Prépare-toi, sa vaut mieux,
Pas bizin aucaine Visa,
Ou si : **Laa Ilaaha Illallahou**
Muhammadour Rassoulloullah,
Pour retourne vers to Allah.
Décollage là pou violent :
Kot l'âme pou arracher de sa lécorps là.
Pou ena bocou souffrance et l'agonie à l'infini,
si to vini chargé de to bane péchés,
(Et) Félicité,
Si lor la terre, to ti sème
La Douceur, l'Amour, la Foi et la Bonté.
To place li réservé
Dépi ki to ti prend naissance
Dans ene avion sans hublot
Allongé lor lédos,
La Tête tourner vers Qibla.
Destination : c'est l'au-delà.
Pas Oublier.
Prépare-toi ;
Parski si terme là fine fixé,
Alors to pas pou capave devine ni jour là et ni l'heure là.*

*Vive (to la vie) en pensant à sa voyage là
Ki pou capave entraîne toi à n'importe ki l'âge
Sois devant bane la portes du paradis
Ou bien dans sa lieu maudit là (c'est-à-dire, l'enfer).
Prépare-toi pou tourne page.
La mort li to dernier voyage. »*

De nos jours, le voyage de l'homme vers bane les autres pays exiger ki li ena ene passeport et ene Visa. Li prépare li pendant plusieurs zours pour sa voyage là, afin ki so voyage passe bien. Quant à la mort, ene croyant, celui ki ena la crainte d'Allah dans so lé cœur, bizin prépare li physiquement, mentalement et spirituellement pour sa voyage final vers so Créateur. Li bizin prépare li pour sa pendant so la vie en entier. Grand et petit, zot tous capave mort à tout moment. La mort pour tout dimounes pas ena ene même date expiration ki fixe.

Nous tous nous salut repose lor nous l'attachement à Allah. La crainte d'Allah et l'obéissance à So bane prophètes et tous So bane commandements rassure pour nous, nous survie spirituelle et nous bizin mort avec le *Shahada* lor nous la lèvres. Le *Shahada* li couma ene nourriture spirituelle ki fer l'âme d'ene croyant revivre. Sa prononciation de *Shahada* là au moment de so la mort permette à sa dimoune là pou senti li proche avec Allah et pou espère dans So miséricorde. Sa applique pour le croyant. Et non pour ene non-croyant ki fine tout au long de so la vie renonce à Allah mais ki au moment de so la mort accepter la suprématie d'Allah. Sa ti le cas pour Pharaon dans l'époque de Hazrat Moosa (as). Tout au long de so la vie li ti prend li couma ene dieu, et ti persécute Hazrat Moosa (as) mais kan la mort fine menace li au moment de so noyade, li fine enfin accepter Allah mais li ti trop tard.

Allah dire dans Quran : « **Nous fine faire peuple Israël traverse la mer ; et Pharaon et so l'armée fine suive zot pou faire zot ditort et attaque zot. Enfin, kan li ti près pou noyer, li dire : 'Mo accepter ki pas ena d'autre bondié à part Celui ki peuple Israël accepter, et mo soumettre. [Allah dire] : 'Quoi ! (to accepter) Maintenant ? Mais avant sa, to ti désobéir et to ti fer désordre. »** (Yunus 10 : 91-92).

Le moment kot l'âme bizin quitte nous cadavre li bien pénible. C'est autour de sa ki tous nous bane actions tourner ; tous bane progrès ultimes de la foi vine claire

à ce moment là. C'est à sa même moment ultime là ki sakaine bizin préserve so la foi parski c'est à sa l'heure précis là ki Shaytane faire plisse zéfforts pou enlève sa la foi là. Bane ki gagne succès c'est bane ki Allah fine protéger et délivrer de bane ruses de Shaytane et ki Allah (swt) aide zot pou mort dans la foi.

D'après Mu'adh Ibn Jabal (ra), le Saint Prophète (saws) fine dire : « *Péna personne ki mort en attestant – Pas ena aucaine les autres bondiés excepter Allah (Laa Ilaha Illallah) - et ki mo le Messenger d'Allah (Muhammadour Rassoulloullah) avec ene lécoeur sûre sans ki Allah pas pardonne li.* » (Musnad Ahmad).

D'après Zadhan Abi 'Umar rapporté: Ene compagnon du Prophète (ra) fine informe moi ki li fine tanne le Prophète (saws) dire: « *Celui à ki faire li (sa mourant là) dire (ou récite) au moment de so la mort – Laa Ilaha Illallah – pou rentre dans paradis.* » (Musnad Ahmad).

Puisse ki sa coumsa, alors nous bizin touzour prêt pou affronte sa moment là et prépare nous pou vivre dans sa l'autre lé monde là kot la vie li éternelle. Le Saint Prophète (saws) ti conseille Abdullah, garçon de Hazrat Umar (ra), pou vive dans sa lé monde là seulement couma ene voyageur ou ene étranger ; ene voyageur ki pas prend compte de bane différents plaisirs ki capave vine lor so chemin, parski sa chemin là, étant bien pénible, li risquer pas arrive à so destination.

C'est pourquoi bane musulmans bizin touzour faire attention pou pas laisse zot pris dans bane pièges de bane z'affaires mondaines et zot bizin évite bane relations ki capave empêche zot atteindre zot destination réelle. Zot bizin pense souvent la mort, et c'est sa ki pou préserve zot de bane tentations de sa la vie ici-bas là. Toutefois, sa pas veut dire par exemple ki bane ki pé souffert, bizin souhaite zot la mort comme ene moyen pou évite zot bane souffrances lor sa la terre là. Sa bane dimounes là, ainsi ki nous tous d'ailleurs, bizin récite souvent sa duah là : « *Ô Allah, prolonge mo la vie aussi longtemps ki li dans mo l'intérêt, et enlève mo la vie kan la mort pou dans mo l'intérêt.* » Ameen.

Sa duah là li complet parski la vie et la mort trouve dans la Main d'Allah et c'est bien Allah Qui pou guide nous vers ene meilleure la vie et meilleure la mort. Nous nek ena pou demande Li pour être guidé et pou vivre dans le droit chemin ziska dernier souffle de nous la vie, et nous faire zéffort dans sa direction là. *Insha-Allah, Ameen.*